

三十國春秋輯本



三十國春秋輯本

湯球輯

中華書局

叢書集成初編

三十國春秋輯本

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一

統一書號：一七〇一八·一五一

三十國春秋輯本

此據史學叢書本
排印初編各叢書
僅有此本

目錄

蕭方等三十國春秋

武敏之三十國春秋

常璩蜀李書

田融趙書

王度二石傳

車頻秦書

裴景仁秦記

張謩涼記

段龜龍涼記

張詮南燕書

和苞漢趙記

吳篤趙書

范亨燕書

王景暉南燕書

姚和都後秦記

喻歸西河記

劉昉燉煌實錄

高閭燕志

三十國春秋輯本

蕭方等三十國春秋

清 鄧縣湯 球輯

魏嘉平元年。魏帝謁陵。曹爽及弟羲、訓、彥皆從。高祖命授兵。召公卿於廟堂。奏皇太后廢爽。丁酉。斬爽。

義、訓、彥夷三族。御覽六百四十七。

文帝器重魏舒。而舒不爲人知。晉吏部郎魏衡謂姪舒曰。汝後得爲小縣長。舒曰。堪爲八百戶長。將老

嫂入官舍。卽斯願畢矣。御覽五百十七。

鍾會薦於文帝曰。裴楷清通。裴楷常建爲別宅。宅甚美麗。楷兄欲之。楷別讓之。其性有大度。皆斯類也。

御覽五百十六。

秦始皇四年。策免石苞官。通鑑攷異晉紀。

五年二月。以羊祜都督荊州。鎮襄陽。時祜有平吳之志。方樹基址。擢王濬爲巴郡太守。將委以巴峽之

任。祜兄子嘏謂祜曰。觀濬爲人。志大者侈。不可專任。祜曰。有大才必可用也。識者曰。祜可謂能舉善矣。知

人則哲。叔子之謂乎。御覽五百十二。

晉泰始五年夏四月地震大疫上命醫以驢馬小車馳救療醫類

泰始七年吳建衡三年吳孟仁卒吳司徒孟宗少從南陽李肅學母爲作厚褥大被或問故曰小兒無

德可容而學者多貧故爲廣被可得氣類相接也百十一

泰始八年二月武紀在七年七月以賈充爲都督秦涼二州事通鑑紀

八年十一月賈充與朝士宴飲庾純醉與充爭言詔免純官通鑑紀

八年衛瓘以太子昏愚不堪爲嗣欲啓而未敢上

咸寧元年吳天冊元年孫皓納張布女有寵而死厚葬之民有訛言遂誅奚熙并殺章安侯奪上

四年吳天紀二年吳收張尙岑昏等泥頭請代尙死尙得免死徙廣州上

四年羊祜卒羊祜年十五而孤事伯母蔡氏以孝聞蔡氏每歎曰羊叔子可謂能養今顏叔子也其諸

葛孔明之亞乎御覽五

五年十一月晉大舉伐吳吳王皓聞師之將興也乃使劉恪守牛渚使張悌造攻車於戲場御覽三百三十六

太康元年杜預與衆軍會議或曰百年之寇未可盡克方春水生難於久駐杜預傳作今向暑水潦方降

疾疫將起宜俟來冬更爲大舉通鑑紀

元年四月甲子王渾斬張悌丙寅吳殺岑昏與何楨書庚午送降書壬申潛入石頭甲申封歸命侯五月

丁亥至洛陽。通鑑攷異
晉紀二

王濟嘗與武帝共濟仲卿在局下。因問皓曰：聞君生剝人面皮，何也？皓曰：見人臣無禮於其君者，則剝之。

武帝大慙，遂縮腳。御覽三百
七十二

元康元年，楚王瑋矯詔召三十六軍。太康之初，吳寇新殄，未盈一紀，干戈已尋，蟻蝨生於甲冑，燕雀處

於帷幄。御覽三百
五十五

元康四年七月，傅咸爲司隸。五年五月，始親職。十月卒。通鑑攷異
晉紀四
山本傳作四年卒

元康五年閏月，依通鑑，晉武庫失火，漢高祖斬蛇劍穿屋而飛。史通：諸晉史云：吳苑稱如
此三十國史乃刊爲正書

元康八年，李特就穀入蜀。通鑑攷
異晉紀

晉永康元年正月，大會，有鳩入御坐武帳中，拂司空張華之冠。初學記
二十六

永康元年，中台星拆，張華子驥勸華遜位，不從。張華善天文，解望氣。元康初，嘗與鄱陽雷孔章共夜登

樓，而見一氣起牛斗閒，華謂孔章曰：此何氣也？對曰：其寶劍乎。初學記
二十四

永康元年，孫秀議加趙王倫九錫，劉頌曰：昔漢之錫魏，魏之錫晉，皆一時之用，非可通行。周勃霍光，其功

至大，不聞有九錫之命。倫黨大怒，謀害頌，頌懼自殺。通鑑攷異
晉紀五

二年，倫將篡位，義陽王威執詔示嵇紹曰：聖上法堯舜之舉，卿其然乎？紹厲聲曰：有死而已，終不有二威。

怒拔劍而出。及惠帝遷於金墉城。唯紹固志不渝。從直於金墉。絕不通倫。時人皆爲之懼。通鑑改異晉紀

齊王問謀討趙王倫。未發。會離狐王盛、潁川處穆聚衆於濁澤。百姓從之。日以萬數。倫以其將管襲爲齊

王軍司。討盛、穆。斬之。問因收襲殺之。通鑑改異晉紀六

永寧元年。即永康二年也正月。張軌出爲涼州刺史。以陰濟等爲謀主。索統善占夢。濟從求占書。令狐策夢立

冰上。與冰下人語。索統曰。冰上爲陽。冰下爲陰。冰上人與冰下人語。爲陽請陰。媒介事也。士如歸妻。迨冰

未泮。君其爲人作媒乎。策曰。老夫耄矣。不爲媒矣。旣而太守田約因策爲子求張氏女。恰至仲春而成婚。

白帖案此引作推鴻三十國春秋

永寧元年。齊王問輔政。辟劉殷爲祭酒。劉殷字長盛。七歲喪其父。哀毀逾禮。曾祖母王氏。盛冬思董。殷

入澤中慟哭。有董生得斛餘。御覽九百八十七

永寧元年。王蕤。王與謀廢問事。八月。詔廢蕤爲庶人。誅與三族。徙蕤於上庸。殺之。通鑑改異晉紀

太安二年正月。李特僭位改年。通鑑改異晉紀七

二年十月。成都王穎。禦長沙王乂於建春門。陸機敗。遁走。穎誅機及弟雲。夷三族。機、吳人。而在寵族之

上。人多惡之。成都王嬖人孟玖。素不快於雲及機。建春門之敗。機衆多喪。牽秀譖之於穎。言機持兩端。孟

玖復構之於內。使牽秀斬機。初。機之專征。請孫承爲後軍司馬。至是。收承下獄。考捶數百。兩踝骨見。終言

機冤吏知承義烈謂承曰二陸之痛誰不知枉君何不愛身承仰天嘆曰陸君兄弟世之奇士有顧於吾吾危不能濟死復相誣非吾徒也乃夷三族承門人費慈自詣穎明承之冤承喻之曰吾惟不負二陸死自吾分卿何爲爾耶慈曰僕又安可負君而求生乎固明承冤玖又疾之亦并見害御覽四百二十

二年十二月殺長沙王又通鑑攷異晉紀七

永興元年成都王穎誅黃門孟玖於是東海王越高密王簡疑卽略皆懼奔國瑯琊王睿又將出焉而徽禁

甚密穎又先下諸津禁止諸貴人王至河陽乃見拘焉宋典後至以鞭拂之曰舍長官禁貴人而爾見止

原作耶因大笑之吏乃放遣因得奔國御覽三百五十九

永興元年十月李雄自稱成都王劉淵自稱漢王通鑑攷異晉紀

永興二年六月李雄卽帝位改元大武通鑑攷異晉紀八

光熙元年東海王越殺河閒王顥同上

懷帝

永嘉四年漢劉聰光興元年氏蒲洪自稱略陽公前秦蒲洪父懷歸爲部落小帥其母姜氏因寢產洪驚

悸而寤御覽三百六十一

永嘉五年蜀王李雄攻譙登於涪城無救援登固守不下士卒皆燼鼠食之一無叛者御覽三百二十

永嘉五年成玉衡元年漢嘉平元年漢陷洛陽遷帝於平陽聰以帝爲平阿公明年二月乃封帝會稽

公通鑑攷異
晉紀九

永嘉六年劉聰引上入譏謂上曰卿爲豫章王時朕與王武子相造卿贈朕以柘弓銀硯卿憶否上原字

作聰曰安敢忘之且恨爾日不得早識龍顏初學記
二十一

王敦謀害王澄而澄衆有二十人持鐵馬鞭爲衛同上
十二

漢趙置殷衛等州前趙殷州刺史杜廣初爲劉景廐卒以馬肥良引爲直士侍立通夜未曾休倦景因

問之廣流涕申款有章條景執其手曰吾罪人也久負賢者謂妻曰爲女求夫不覺廐中有麒麟於是妻

之御覽五
百十九

愍帝

愍帝名子業或作業通鑑攷異
晉紀九

建興二年三月癸酉石勒取幽州壬午勒晨至薊通鑑攷異
晉紀十一

建興四年漢麟嘉元年丙寅丞相睿斬都運令史淳于伯於建康於是以刀拭柱血逆流至二丈三尺下

四尺五寸其直如絃御覽四百
四十六

建興四年漢劉聰子約卒漢大將軍東平王約漢王聰戲之曰汝誦何書味何句也約曰臣誦孝經每

咏身體髮膚受之父母不敢毀傷至於在上不驕高而不危未嘗不反覆誦之聽大悅御覽六

元帝

建武元年涼遣韓瑛伐漢初永嘉中童謠云秦川中血沒腕唯有涼州倚觀郭茂倩樂府八十八

李矩降劉陽而襲擊之劉陽少驍猛甚有勇力手曳牛尾卻行百步御覽四百三十六

大興元年漢劉曜光初元年漢主聰卒子粲立斬準弑之復殺王延王延九歲喪母行孝有聞後母卜

氏御之無道延事彌謹卜常取蒲蘘敗麻與之貯衣延知而不言卜冬月杖之流血令求生魚延扣冰慟

哭而得與之卜乃心悟撫之如所生也御覽五百一十一

大興元年蒲洪降劉曜通鑑政異

大興三年涼張茂永元元年後趙石勒二年石勒遣石良率精騎五千掩李矩營生執矩外甥郭誦之

弟元教元作書與誦說云去年東平曹嶷西賓猗盧矩如牛角何不歸命勒與誦書餉麀尾馬鞭說賓禮

賢弟相同斷金往物爲信矩所領將士並欲歸勒矩知衆之去已乃率衆來歸御覽三百五十九

大興四年王敦令郭璞筮卦曰明公起事禍必不久敦怒曰卿壽幾何曰命盡日中引出斬之璞曰當

何之曰南山之首曰我知之矣必在雙柏之間乎時有鵲巢而甚茂同上九百五十四

永昌元年五月王敦殺甘卓甘卓將被誅引鏡不見其頭御覽七

明帝

太寧元年，陳安奔隴城，前趙將劉賁馳將追之，石虎止賁曰：「窮寇歸兵，不可迫也。我士卒連勝，皆已怠矣，以驕急之卒，當致死之衆，恐無萬全之利。」賁曰：「不然，彼銳氣盡矣，衆心乖阻，人懷苟免，莫有鬪志。我卒乘猛氣甚盛，皆一當十，豈其衰沮之餘，所能抗也？」賁躬先士卒，戰輒敗之，遂圍安於隴城。御覽二百九十九

成帝

晉咸和二年，溫嶠與陶侃起義兵伐蘇峻，帥師四萬，直指石頭，侃泊加子洲。御覽六十九

三年，峻兵犯闕，蘇峻作逆，領軍卞壺以王師敗績，遂單騎赴難。二子眇、盱隨之，俱歿。母裴氏撫屍而哭曰：「父爲忠臣，子爲孝子，夫何恨乎？」徵士翟湯聞之，歎曰：「父死於前，子歿於後，忠孝之道，萃於一門，可謂賢矣。」御覽五百一十一

溫嶠等入討峻，遷帝於石頭，殷羨之勸趨石頭，光祿勳殷羨之還豫章，貴游多憑寄書羨之至板橋，投

書於江曰：「沉者自沉，浮者自浮，殷洪喬不能作致書郵。」初學記六

咸和五年，趙建平元年，江州刺史劉琨自武昌以有疾被徵爲右將軍，而王舒未至，猶在盆口，後將軍郭默旋而過，琨不禮之，臘曰：「遣默酒五升，猶一頭。」默大怒，投之於江，遂與故將張丑、宋侯、孟純等矯詔入城門，莫有禦者，琨獨與其妾寢，默至，斬於牀下，及其司馬張滿、參軍荀楷、李纂，愾默故也。御覽三百三十三

咸和九年以庾亮都督江荆等州王隱始成晉書合八十八卷家貧無紙未成其志遂南遊投陶侃於

荊州又江州投庾亮乃獲其紙墨始書就焉初學記二十一

咸和九年石虎卽位改元永熙通鑑攷異晉紀十七

咸康三年石虎僭稱趙天王趙成公段作庭燎於杙末上盤置燎下盤置人咸康三年正月趙夔安等

上尊號庭燎油灌下盤死者二十餘人載記作七十趙王虎惡之腰斬成公段通鑑攷異晉紀十七

康帝

穆帝

永和元年趙造獵車千乘石季龍將獵輒冠金鏤之帽御覽六百八十七

永和二年李漢嘉寧元年涼張重華永樂元年九月燕殺慕容翰通鑑攷異晉紀十九

永和三年趙將麻秋命黑契龍騰三千人馳擊謝艾軍艾左右擾動李偉勸艾乘馬艾不從乃下踞胡

牀而麾衆趙人以爲有伏懼而不進御覽四百三十六

永和五年趙以謫卒高力等戍涼州定陽人梁犢因民心怨趙也謀兵東還犢自稱大將軍率衆攻下

辦廋之犢軍人等高力皆多力善射一當十餘雖無甲兵所在略百姓大斧施一丈柯攻戰若神擬向崩潰

御覽二百九十九

永和六年魏冉閏永興元年閏正月通鑑攷異

三月趙新興王祗即皇帝位同上

永和八年燕慕容儼元璽秦主苻健皇始二年並稱帝姚襄來歸姚襄南至滎陽與高昌李歷戰於

麻田馬中流矢死弟萇下馬授襄曰汝何以自免萇曰但令兄濟此豎子何敢害萇會救至俱不死御覽

五十二

姚萇單騎度淮見豫州刺史謝尚於壽陽幅巾以待之一面如舊相識御覽四

永和十年涼張祚和平元年偽前梁涼當作張重華張瑛在梁州欲誅西河張祚祚廐馬數十匹同時皆

無尾未幾祚遇禍李冗獨異志下

升平四年燕主暉建熙元年朝廷聞慕容儼死曰中原可圖矣桓溫曰慕容恪在其憂方大史通換擬

哀帝

帝奕海四公

太和六年十一月被廢桓溫使劉享後為齊收帝璽綬通鑑攷異

簡文帝

孝武帝

太元元年涼亡涼天水太守史稜暴疾死五日而蘇云見涼光殿皆生白瓜及秦使梁熙滅涼小字白瓜也。事類賦注二十七

太元二年秦平諸國後示人以修置左右鎮郎及拂蓋郎申香爲拂蓋郎長一丈九尺。初學記十九

秦王苻堅懸珠簾於正殿以朝羣臣宮宇服御物極珍飾之奇尙書金部郎裴元略諫曰願陛下遵采椽之不斷鄙瓊室而不居堅笑曰非卿之忠朕何由聞過乎。御覽四百五十六

太元四年秦以苻洛爲益州牧苻洛雄勇多力猛氣絕人坐御奔牛射洞犂耳苻堅深憚之故常爲邊守。御覽四百三十六

太元八年秦大舉入寇秦王堅下書曰吳人敢恃江山僧稱大號輕率大羊屢窺王境朕將巡狩省方登會稽而朝諸侯復禹績而定九州今王師所擬必有征無戰伐國存君義同一體。御覽三百二十二

太元九年燕慕容垂元年後秦姚萇白雀元年慕容垂攻鄴苻丕遣其從弟就御覽引作龍忍讓請救乃遣謝玄青銅鏡黃金婉轉繩等以之爲信。初學記二十五御覽七百十七

太元十七年。以殷仲堪爲荊州刺史。晉黃門郎殷仲堪遊於江濱。見流棺於水。乃接焉。旬日之中。前門之溝。忽起爲岸。是夕有人通夢於仲堪。自稱徐伯。感君之惠。無以報。仲堪因問門岸爲何祥乎。對曰。水中之岸。其名爲洲。君將爲洲也。言終而沒。御覽五百五十一

太元二十一年。燕慕容寶永康元年。魏皇始元年。涼呂光龍飛元年。後燕慕容垂遣其子寶。步騎七萬。伐後魏。戰於參合陂。大敗。寶以數千騎奔免。士衆還者十一二。寶恨參合之敗。屢言魏有可乘之機。由是自率大衆伐魏。至參合。見往年戰處。積骸如山。設弔祭之禮。死者父兄。一時號哭。軍中皆慟。垂慙憤嘔血。因而寢疾。卻還道卒。御覽三百二十三

安帝

隆安元年。南涼禿髮烏孤太初元年。北涼段業神璽元年。烏孤稱西平王。後涼禿髮烏孤七世祖壽閭之在孕也。母夢一老父。被髮左衽。乘白馬。謂曰。爾夫雖西移。終當東歸。至京必生貴男。長爲人主。言終。胎動而寤。後因禿髮壽閭被中。鮮卑謂禿髮因以禿髮爲號。壽閭爲名。御覽三百六十一

涼沮渠蒙遜。據金山。沮渠蒙遜其先世爲匈奴左沮渠。因以官爲氏。少牧羊。臥息田畔。忽見沙門以手摩其頭曰。爾後當王此土。不久苦焉。言終而滅。同上八百三十六

隆安二年。燕慕容盛建平元。魏天興元年。慕容德元年。燕蘭汗弒寶。盛子太原王奇起兵於外。